



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-256-4/22**
Datum: **09.06.2022. godine**

«Agencija za vodno područje rijeke Save» Sarajevo rješavajući zahtjev pravnog lica HALKO d.o.o. Cazin, u postupku izdavanja prethodne vodne saglasnosti za ispuštanje tehnoloških otpadnih voda sa prostora plinske stanice locirane u krugu proizvodnog objekta predviđenog za gradnju u naselju Stijena, Grad Cazin, na osnovu člana 139. stav (1) i 121. Zakona o vodama («Službene novine Federacije BiH», broj 70/06) i člana 123. stav (2) Zakona o upravnom postupku («Službene novine Federacije BiH», broj 2/98, 48/99), donosi:

ZAKLJUČAK

1. Odbacuje se zahtjev pravnog lica HALKO d.o.o. Cazin, za izdavanje prethodne vodne saglasnosti za ispuštanje tehnoloških otpadnih voda sa lokacije objekta plinske stanice locirane u krugu proizvodnog objekta, predviđenog za gradnju u naselju Stijena, na zemljištu označenom kao k.č. broj: 1529 K.O. Stijena, Grad Cazin, s obzirom da za predmetnu aktivnost, u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i drugo.

Obrazloženje

Podnosilac zahtjeva, HALKO d.o.o. Cazin, dana 24.05.2022. godine, je zatražio izdavanje prethodne vodne saglasnosti za aktivnosti izgradnje plinske stanice, predviđene za gradnju u krugu proizvodnog objekta na zemljištu označenom kao k.č. broj 1529 K.O. Stijena, u naselju Stijena, Grad Cazin.

U provedenom postupku dostavljena je i pregledana sljedeća dokumentacija:

- ovjerena kopija Rješenja o registraciji; izdano od strane Općinskog suda u Bihaću pod brojem 017-0-Reg-08-000053, dana 31.01.2008. godine,
- ovjerena kopija Uvjenja o poreznoj registraciji; izdano od strane Federalnog ministarstva financija – finansija, Porezne uprave – Kantonalni ured Bihać, dana 10.12.2002. godine,
- kopija naloga za plaćanje upravne pristojbe (80 KM),
- kopija Zemljišnoknjižnog izvotka, BROJ: 020-0-NAR-22-000 010, Zemljišnoknjižni uložak broj: 429; Katastarska općina: SP_STIJENA; izdan od strane Zemljišnoknjižnog ureda Općinskog suda u Cazinu, dana 04.01.2022. godine,
- Kopija Kopije katastarskog plana, Katastarska općina: Stijena, Broj plana: 12; izdana od strane Službe za imovinsko-pravne, geodetske i katastarske poslove Grada Cazina, dana 23.11.2021. godine,
- Izvod iz usvojenog Nacrta prostornog plana Grada Cazina („Sl. novine općine Cazin“, broj: 1/07) Karta broj: 96; izdan od strane Službe za urbanizam, zaštitu okoliša i inspeksijske poslove Grada Cazina pod brojem: 04-19-4553/21, dana 11.02.2022. godine,
- Položajna skica u mjerilu M 1:500; izdana od strane Službe za urbanizam, zaštitu okoliša Grada Cazina pod brojem 04-19-4553/21, dana 11.02.2022. godine,
- Idejni projekt – izrada projektne dokumentacije za izgradnju plinske stanice, urađen od strane Euroing d.o.o. Bihać pod brojem elaborata IP 07-11/21, novembra 2021. godine.

Uvidom u dostavljenu projektnu i ostalu dokumentaciju, utvrđeno je sljedeće:

- Predmetni objekt plinske stanice je predviđen za gradnju u krugu proizvodnog objekta predviđenog za gradnju u naselju Stijena, Grad Cazin,
- Uz zahtjev je priložen i idejni projekt, prema kojem je predviđeno sljedeće:
 - Za potrebe opskrbe tehnološkog procesa proizvodnje toplinskom energijom u proizvodnom objektu, u čijem krugu je predviđena gradnja predmetne plinske stanice, predviđena je izgradnja plinskog postrojenja koje bi se sastojalo od:
 - Pretakališta plina sa nadzemnim spremnicima LPG-a zapremine $3 \times 5 \text{ m}^3$,
 - Električnog isparivača,
 - Cjevovoda za internu distribuciju plina,
 - neophodne sigurnosne i mjerne opreme,
 - Predviđena je instalacija nadzemnih čeličnih cilindričnih spremnika za LPG, instaliranih na AB ploču, a zaštita postrojenja je predviđena industrijskom metalnom ogradom u visini 2,10 metara,
 - Za isparavanje tekućeg plina je predviđen električni isparivač kapaciteta 150 kg/h, snage 24 kW,
 - Transport plina od isparivačke stanice do potrošača u proizvodnoj hali je predviđen podzemnim plinovodom sa predviđenom ugradnjom ventila za ispušt kondenzata i nečistoća na najnižoj koti cjevovoda,
 - Predviđena je ugradnja sve potrebne sigurnosne (sigurnosni, protupovratni i protulomni ventili) i mjerno-regulacijske opreme (regulatori, manometri, termometri, mjerači protoka, i slično),
 - Tehnološki proces na plinskom postrojenju počinje dopremom plina, a završava distribucijom plina do potrošača unutar proizvodnog objekta,
 - Za svaku pojedinu operaciju su propisane radnje u tehničkom i sigurnosnom smislu,
 - Doprema LPG-a je predviđena autocisternama opremljenim sigurnosnim ventilima i instrumentima za kontrolu maksimalnog punjenja da bi se izbjegla mogućnost prepunjavanja,
 - Predviđena je izgradnja protivpožarne instalacije i uređaja za eliminiranje statičkog elektriciteta,
 - Pražnjenje autocisterni je predviđeno otvaranjem i zatvaranjem odgovarajućih zapornih ventila, čime bi se ostvarila veza autocisterne sa spremnikom,
 - Tokom pretakanja je predviđena kontrola parametara plina (tlak na svim dionicama), nivo tekuće faze u spremniku te protok plina preko registratora protoka plina,
 - Nije predviđeno vodosnabdijevanje sanitarnom vodom na postrojenju plinske stanice niti vodom u tehnološkom postupku pretakanja, skladištenja i distribucije plina do potrošača u proizvodnom objektu,
 - Čiste oborinske vode sa prostora plinske stanice je predviđeno da se razliju u okolni prostor,
 - U procesu pretakanja, skladištenja plina na postrojenju plinske stanice te distribucije plina do potrošača u proizvodnom objektu nema produkcije tehnoloških otpadnih voda, shodno tome nema niti ispuštanje tehnoloških otpadnih voda.
 - Postrojenja plinske stanice nije locirano u blizini vodotoka.

Na prostoru predmetnog proizvodnog objekta neće nastajati sanitarne otpadne vode jer nije predviđena izgradnja sanitarnih prostorija. Čiste (atmosferske) oborinske vode sa prostora plinske stanice će se razlijevati u okolni prostor. Na prostoru predmetnog objekta se ne vrši tehnološki postupak u kom se koristi voda (čišćenje i održavanje radnih površina je predviđeno suhim postupkom, a eventualnim pranjem će nastajati sanitarne otpadne vode), a samim tim ne nastaju tehnološke otpadne vode niti se vrši ispuštanje istih u okoliš, kako je to utvrđeno odredbama člana 3. tačka (s) Uredbe o uvjetima ispuštanja otpadnih voda u okoliš i sisteme javne

kanalizacije («Službene novine Federacije BiH», broj: 26/20 i 96/20), odnosno nema ispuštanja otpadnih voda u smislu odredbi člana 109. Zakona o vodama.

Proizvodni objekt u krugu kojeg se gradi postrojenje plinske stanice nije predmet ovog upravnog postupka.

Na manipulativnim površinama ne nastaju oborinske onečišćene vode, kako je to utvrđeno odredbama člana 3. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije.

Obzirom da je utvrđeno da u predmetnom objektu nema aktivnosti definiranih odredbama člana 139. stav (1) Zakona o vodama za koje je obavezno pribavljanje vodnih akata od strane ove Agencije, te da je odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20 i 96/20) definirano da od momenta stupanja na snagu iste, reguliranje uvjeta ispuštanja tehnoloških otpadnih voda primjenjivat će se u skladu sa odredbama iste, u konkretnom slučaju potrebno je primijeniti odredbe navedene Uredbe.

Iz razloga naprijed navedenih, postupajući prema odredbama člana 5. i 14., a u skladu s odredbama člana 123. i 218. stav (2) Zakona o upravnom postupku, člana 139. stav (1) Zakona o vodama te člana 3. tačka (s), a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. ing. arh.

Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl. ing. građ.

Dostaviti:

- HALKO d.o.o. Cazin, Stijena 50., 77 224 Stijena,
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava